



Broj: 07-07-30-32643/26
Sarajevo, 10.09.2026. godine

Ministarstvo privrede Kantona Sarajevo, na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, br. 49/05 i 103/21) i Odluke broj: 07-07-30-32643/26 od 29.06.2026. godine, objavljuje

JAVNI OGLAS

za prijem namještenika u radni odnos na neodređeno vrijeme u Ministarstvo privrede Kantona Sarajevo u Sektor za poljoprivredu, vodoprivredu, veterinarstvo i šumarstvo u Odjeljenje za poljoprivredno stručne poslove, uzgojno selekcijski i savjetodavni rad

1. Naziv radnog mjesta:

Viši referent za administrativne poslove jedan (1) izvršilac.

2. Opis poslova radnog mjesta:

- a) obavlja poslove kancelarijskog i arhivskog poslovanja za odjeljenje;
- b) prikuplja, sređuje i vodi dokumentaciju koja je od značaja za izvršavanje poslova i zadataka u odjeljenju;
- c) daje informacije strankama o potrebnoj dokumentaciji za ostvarivanje prava na podsticaj u oblasti poljoprivrede;
- d) tehnički obrađuje materijale na računaru za potrebe odjeljenja;
- e) umnožava potreban broj primjeraka dokumentacije;
- f) obavlja i druge poslove i zadatke po nalogu šefa odjeljenja i pomoćnika ministra;
- g) za svoj rad odgovara šefu odjeljenja i pomoćniku ministra.

U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.

3. Opći uslovi za obavljanje poslova radnog mjesta (prema članu 24. Zakona o namještenicima u organima državne službe u Federaciji BiH):

- da je osoba državljanin Bosne i Hercegovine;
- da je osoba punoljetna;

- da osoba ima opću zdravstvenu sposobnost za obavljanje poslova radnog mjesta;
- da osoba u posljednje dvije godine od dana objavljivanja javnog oglasa nije otpuštena iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini;
- da osoba nije obuhvaćena odredbom člana IX 1. Ustava Bosne i Hercegovine.

4. Posebni uslovi za obavljanje poslova radnog mjesta:

- SSS - IV stepen,
- završena birotehnička škola ili ekonomska škola ili gimnazija ili poljoprivredna škola,
- najmanje deset mjeseci radnog staža u struci,
- položen stručni ispit i
- poznavanje rada na računaru.

5. Prijava i spisak potrebnih dokumenata:

Uz prijavu na Javni oglas koja sadrži kraću biografiju, adresu i kontakt telefon, kandidati su obavezni dostaviti u originalu ili ovjerenoj fotokopiji slijedeću dokumentaciju:

- Uvjerenje o državljanstvu BiH (*ne starije od 6 mjeseci*),
- Izvod iz matične knjige rođenih,
- Ovjerenu izjavu da u posljednje dvije godine od dana objavljivanja Javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini,
- Ovjerenu izjavu da nije obuhvaćen odredbom člana IX 1. Ustava Bosne i Hercegovine,
- Svjedočanstvo o završenoj školi,
- Dokaz o radnom stažu u struci,
- Dokaz o položenom stručnom ispitu namještenika u organima državne službe,
- Dokaz o poznavanju rada na računaru.

Napomena: ljekarsko uvjerenje o općoj zdravstvenoj sposobnosti za obavljanje poslova radnog mjesta primljeni kandidat dužan je da priloži prije stupanja na posao.

6. Rok trajanja internog oglasa i adresa za podnošenje prijava:

Javni oglas ostaje otvoren **15 (petnaest) dana** računajući od dana posljednje objave u jednom od tri dnevna lista koji se distributiraju na cijelom prostoru Federacije BiH.

Prijave sa traženom dokumentacijom dostaviti u zatvorenoj koverti isključivo putem pisarnice Kantona Sarajevo na adresu:

**Kanton Sarajevo
Ministarstvo privrede
Reisa Džemaludina Čauševića 1
71000 Sarajevo**

sa naznakom:

**„Prijava na Javni oglas za prijem namještenika“
- NE OTVARATI -**

6. Ostalo:

Nepotpune i neblagovremene prijave neće se uzeti u razmatranje.



MINISTAR

Zlatko Mijatović

